

La proposta per il nov imni naziunal svizzer è tschernida

■ (cp) Il victur da la concurrenza per in nov imni naziunal è Werner Widmer e viva a Zollikerberg (ZH). La melodia resta la medema sco quella da l'imni dad oz. Il nov text da l'imni contegna las valurs da la Constituziun federala. La proposta per in nov imni naziunal dispona d'ina nova «strofa svizra» che unescha tut las quatter linguas naziunalas. «La contribuziun victura è adina stada sin l'emprim plaz tar retschertgas da medias, tar la giuria e tar il pievel», di l'iniziant da la concurrenza e president da la SSUP Jean-Daniel Gerber. «Ch'il pievel ha tschernì ina contribuziun cun la melodia da l'imni dad oz mussa ch'il pievel svizzer è pront da renovar precautamain e raschunaivlamain l'imni naziunal.»

La contribuziun victura da l'occurrènza d'artists per in nov imni è vegnida preschentada a

la Festa federala da la musica populara ad Aarau. Il Chor svizzer da giuvenils ha preschentà la contribuziun victura cun l'uschenumnada «strofa svizra» ch'è vegnida scritta alternantamain en tut las quatter linguas naziunalas. La publicaziun da la chanzun e da ses aurtur è vegnida emessa live en l'emissiun da televisiun «Potz-musig» ch'è per l'emprima giada era vegnida emessa en la Svizra romanda.

La proposta per in nov imni naziunal svizzer ha mantegnì la melodia da l'imni dad oz. Quella è vegnida cumponida dad Alberik Zwyssig avant 170 onns. Il text dal nov imni naziunal consista d'ina suletta strofa ch'exprima las valurs dal preambel da la Constituziun svizra: libertad, independenza, pasch, avertadad vers il mund e giustaia. Il nov imni è vegnì translata en tut las quatter linguas naziunalas. Plinavant è

vegnida creada ina versiun che unescha tut las quatter linguas naziunalas. Questa uschenumnada «strofa svizra» exprima il patratg dal preambel che la Svizra tegna aut l'unitad en la diversitad.

L'onn 2012 ha la Societad svizra d'utilitad publica (SSUP) lantschà la concurrenza d'artists per in nov imni naziunal svizzer e convocà il 2013 ina giuria da 30 experts. Dal 1-1 fin ils 30-06-2014 ha gi lieu la concurrenza d'artists. 208 contribuziuns èn vegnidas inoltradas, 120 en tudestg, 69 en franzos, set en talian e diesch en rumantsch. Ils 2-12-2014 ha la giuria tschernì las 10 meglras contribuziuns. Sis dals diesch imnis èn vegnids translats en tut las linguas naziunalas ed interpretadas dal Chor svizzer da giuvenils. Dals 30-03 fin ils 15-05-2015 ha il pievel pudì votar online per ils trais finalists da las sis contribuziuns da concurrenza. Dals 8-6 fin ils 6-9-2015 han ins la finala pudì tscherner la contribuziun victura (dals 6 fin ils 12 da settember era per telefon ed SMS).

La SSUP vegn uss a derasar la contribuziun victura da la concurrenza en tut la Svizra. Sch'il text survegn il consentiment necessari dal pievel vegn el suttamess a las autoritads federalas responsablas. La SSUP respecta che quest process da renovaziun dovra temp e desista perquai d'in urari fix.

Ils proxims pass

Suenter il final dals 12 da settember 2015 vegn la SSUP a render accessibel il nov text da l'imni a las vischnancas, scolas e gruppas da musica per ch'ellas possian exercitar e chantar el a chaschun da festivitads. Sch'i sa mussa ch'il nov text vegn acceptà d'ina gronda part dal pievel vegn la SSUP ad inoltrar el al process parlamentar. La SSUP respecta ch'il pievel dovra temp per il process da midada e na fixescha perquai conscientamain nagin termin per l'inoltraziun al parlament.



CHymne - nouvel hymne national
CHymne - neue Nationalhymne
CHymne - nuovo inno nazionale
CHymne - nov imni naziunal

Sopran
Alt
Tenor
Bass

5
S
A
T
B
10
S
A
T
B
15
S
A
T
B

Sin fund co - tschen in - a crusch, Svizr' u - ni - da, fer - ma vusch.
Pasch, in - de - pen - den - za e li - ber - tad. Ferm in pie - vel
che dat grond sus - tegn a tut ils u - mans che
han ba - segn. Per mint - gin la li - ber - tad e per tuts l'e -